

und merrerm umb dieselb eur lieb fruntlich beschulden. Datum Ofen an mitichen des heilligen kreutztag erfindung, anno domini 20. LXXX<sup>mo</sup>, unser reiche des Hungrischen im dreu und zwaintzigisten und des Behemischen inn zwellfften iaren.

Ad mandatum domini regis.

- 5 Den hochgebornen fürsten unsern besondern lieben oheimen und swegern, herrn Ernsten, des heilligen Römischen reichs ertzmarschalkh, curfürsten, und Albrechten gebudern, hertzogen zu Sachssen, lanndgraven in Doringen und marggraven zu Meichssenn.

183.

- 10 *Nicolaus Pflugk zu Knauthayn und Hermann Weissenbach zu Schönfels schlichten die zwischen der Artistenfakultät und Caspar von Schkölen, Gleitsmann und Bürger zu Leipzig, wegen verschiedener von diesem unternommener baulicher Vorrichtungen neben dem Pädagogium, entstandenen Streitigkeiten.*

1480 Juli 3.

*Hdschr.: Or. Perg. Archiv der Universität (cf. Zarncke, unkundliche Quellen 553) mit den beiden schlecht erhaltenen Siegeln an Pergamentstreifen.*

- 15 Zcu vermerckenn daß uff hute montag nach visitacionis Marie im achtzigsten iare der mynnerzcal nach Christi | unsers herrnn geburdt zewusschenn den wirdigenn herren, dem dechand unnd meistern der faculteten friher kunste der | hohenschule zu Leipzck an eynem, unnd dem erbaren Caspar von Sclohn, gleitsmann unnd burger dar-
- 20 selbst, der an | gehabenn gebuwde, als Caspar genant neben dem pedagogio furgenommen hat, unnde aller ander schele, gebrech unnd widerwerdigkeit darin dieselbten parthien der egenanten angehaben gebuwde halben gekomen waren am andern teyl, durch die gestrengen unnd erinvhesten Nickel Pfluge zcum Knuthayn unnd Hermen von Wissen-
- 25 bach zcu Schonfels gesessenn, in bieweißenn der wirdigen und erbamen ern Iohann Falkinhayn, probst zu sanct Thomaßn sampt den burgermeistern und scheppen der stadt Leiptzk mit wissen, willen unnd folbordt beyder parthien ubin berurt in fruntlichenn
- hendeln bered, besprochen, voreynet unnd betedingt wureden ist, in masßen hirnach volget. Zcum ersten sullen die gnanten dechand unnd meister der faculteten das ge-
- 30 zimmer als der gleitsman uff siene hoffestadt mit uberhengenn in des gnantenn pedagogii hoff zu setzenn furgnommen hatte in aller maß als das dem zcyimmermann von yme ver-
- dingt war unnd in glichem gedinge zu ym nehmen, unnd daß nach yrem willen setzen, darzcu den der gleitsmann alle gehulze von sulen unnd anders zcu schickenn unnd nach
- anwissung der meister zu setzenn laßenn sich verheisschenn hatt, unnd wo die gnanten meister yme ymands uß yrer sampnung darbie schaffenn ader schickenn wurdenn, haben
- 35 sie zu thun macht, und ane das mag der gleitsman ßo erß ane ynn gesunnen hath die fertigung egnanter sulen unnd holtz bestellenn, unnd so dann sulch gebuwde durch den gleitsmann unnd siene anrechnung gantz gefatzst unnd ußerhalben den latten uffgericht ist, den sullen die genantenn dechand unnd meister dem gleitsman nach wirdenn unnd